

PRESENTACIÓN

Como xa é costume, en decembro organizamos un ruta de media xornada, que este ano facemos na bisbarra de Lugo, unha zona moi grande e aínda descoñecida para moitos. Un dos seus atractivos son as tradicionais feiras, onde se xuntaban os habitantes das aldeas próximas para comercializar os seus produtos, e comprar o que facían outros. A estas feiras, moitos chegaba a pé cos animais que querían vender, por preciosas corredoiras e camiños, que formaban un tupida telaraña de camiños. Hoxe case todas, desapareceron, e só quedan algunhas, que teñen máis de mercadillo que de feira tradicional. Como consecuencia tamén perderonse moitos dos camiños que as unían.

Coa idea de recuperar estes camiños, a **Deputación de Lugo**, a **Asociación Terras de Lugo**, e varios concellos, lanzaron no 2011 as chamadas **Rutas das Feiras**, un ambicioso proxecto de gran carreiro circular de 150 km, que se difundiu aos catro ventos na prensa, chegando ata medios tan especializados con revista **Desnivel**. Por desgraza, todas estas boas intencións, non pasaron dunhas rodas de presa e unhas fotos. A día de hoxe, só atopamos algúns paneis nos lugares onde había feiras, pero ningunha marca e trazas de preparar as corredoiras e camiños por onde se ía a trazar.

Para reclamar que se faga o que non se fixo, e para mostrarvos o que podía ser e non foi, levarémovos por un pequeno tramo entre Guimarei e Friol, que prolongaremos ata a torre museo de San

Paio de Narla, onde terminaremos a ruta.

Para a comida desprazarémonos ata o restaurante O Xugo, en Lugo capital, onde chegaremos sobre as 14,30 horas. Na sobremesa, faremos unha proxección de fotos realizadas nas actividades da sección de excursionismo e presentaremos o calendario do ano que vén. Podedes deixar no bus, ropa para cambiarvos despois da ruta.

A RUTA

Chegaremos á aldea de Guimarei sobre as 9,30 horas. Aquí celebrouse moitos anos unha importante feira. A relevancia desta aldea vese na preciosa igrexa, hoxe moi descoidada, cun valioso retablo con pinturas. Damiana, unha veciña, abriránola para nós.

Despois colleremos o bus para empezar en Guldriz de Abaixo, pois desde aquí faríanos demasiado longo o camiño para a mañá.

Sobre as 11,30 horas calculamos chegar a Friol, onde faremos unha pequena parada. Despois quedaranos un pequeno tramo de río, pistas e estrada ata chegar sobre as 13,15 horas á torre-museo de San Paio de Narla, que teremos tempo de visitar ata as 14 horas.

A Torre de San Paio, tamén coñecida como **Torre de Xía**, é unha importante edificación militar do S.XIII, hoxe convertida nun importante museo etnográfico, que nos axudará a coñecer mellor esta zona de Galicia. Desde o alto da súa torre, poderemos gozar dunhas espléndidas vistas deste val.

Distancia: 10 km. Desnivel descenso: 50 m, de ascenso 60 m.

Guía organizador: David Jove

¡¡Felices Festas e Feliz ano 2018!!

PRÓXIMA ACTIVIDADE

✓ **28de xaneiro 2018** Por las tierras do río Anllóns
Laracha (A Coruña)




Teléfono: 981 213115
Correo: artabros@artabros.org



SOCIEDADE DE MONTAÑA
ARTABROS

COÑECE E CAMIÑA



17 de decembro de 2017
Ruta das feiras
Friol (LUGO)



